

caeruleae speciosae; semina obovata nigricantia vel rubicunda; pappo sessili, plumoso, albido.

Ab affini *C. humili* differt 1) foliis decurrentibus pinnatis; pinnis lanceolato-linearibus pinnatifidis, laciniis lanceolatis, petiolo inter lacinias in foliis pinnatifidis foliaceo-alato; 2) floribus corymbosis; 3) calycibus hemisphaericis depressis; 4) squamis calycinis ovatis apice subulatis.

## Tribus CICHORIACEAE.

### CREPIS.

#### 128. CREPIS triangula.

*C. foliis lyrato-pinnatifidis, lobo terminali triangulo, scapo adscendente subaphyllo multifloro basi petiolisque hirsuto, calycibus glaberrimis, calyculo laxo.*

Hab. in pascuis montanis prope Panormum Siciliae.

☉. fl. Maj., Jun.

Radix annua fusca; folia supra terram expansa; glabra, lyrato-pinnatifida: lobo terminali triangulo, acuto, angulato-dento, lateralibus lanceolatis denticulatis, petiolis venisque hirsutis; scapi adscendentes, inferne hirsuti, hispidi, superne glabri, striati, paniculato-ramosi; multiflori, aphylli aut ad primam ramificationem folio pinnatifido acuminato glabro petiolato instructi; flores parvi,

*Barkhausia leontodontoide* (Crepis All.) minores; calyx glaber nigricans; calyculus laxus, squamis setaceis; corollulae luteae; pappus sessilis; semina nigricantia.

Habitus *Crepidis leontodontoidis*, sed genere differt.

## BARKHAUSIA.

### 129. BARKHAUSIA reflexa.

*B.* foliis hispidis: radicalibus runcinato-lyratis, laciniis lunato-reflexis, caulinis amplexicaulibus pinnatifidis, pedunculis ebracteatis, squamis calycis tomentosi exterioribus ovatis patentibus scariosis.

Hieracium atro cichorii dentis Leonis folio nitido acuto, flore niveo-sulphureo. Bonan. t. 98.

Hab. in pratis humidis elatioribus Siciliae. 2. fl. Jul.

Radix crassa perennis nigricans; folia hispida, setulis glandulosis: radicalia petiolata, runcinato-lyrata, acuta, laciniis subovatis acuminatis denticulatis lunato-reflexis; terminali majore hastato-triangulō, caulina amplexicaulia, linearilanceolata, pinnatifida, laciniis linearibus; caulis erectus, striatus, glanduloso-hispidus, corymbosus, trimultiflorus, superne aphyllus, pedalis et ultra: